

**Nd.**

## **37. Frumvarp til laga**

um viðauka við lög nr. 45 13. júní 1937, um bann gegn dragnótaveiði í landhelgi.

Frá sjávarútvegsnefnd.

1. gr.

Aftan við 1. gr. laganna komi ný grein, svo hljóðandi:

Samkvæmt tillögum Fiskifélags Íslands og fiskideildar atvinnudeildar háskólans er ráðherra heimilt að ákveða frekari takmörkun eða bann gegn notkun dragnotá en í 1. gr. segir.

Fyrir brot gegn fyrirmælum, sem sett verða samkvæmt þessari grein, skulu sektarákvæði og viðurlög öll hin sömu og gilda um brot gegn 1. gr. laganna.

2. gr.

Lög þessi öðlast þegar gildi.

### **Greinargerð.**

Frumvarp þetta er flutt að beiðni atvinnumálaráðherra.

Þykir nauðsyn bera til, að heimilt sé að friða þau svæði, þar sem beztar eru uppedisstöðvar fyrir flatfisk. Í frumvarpinu er ráðgert, að Fiskifélag Íslands og fiskideild atvinnudeildar háskólans verði að mæla með takmörkun, til þess að hún geti orðið ákveðin af ráðherra.